

ხელშეკრულება № 250
სახელმწიფო შესყიდვების შესახებ
(ელექტრონული ტენდერი-SPA170012397)

ქ.თბილისი

„2“ „ნოემბერი“ 2017 წ.

საქართველოს ფინანსთა სამინისტრო (მისამართი: ქ. თბილისი, გორგასლის ქუჩა № 16, ტელ: 2 26-14-11, საბანკო რეკვიზიტები: ანგ. № GE24NB0330100200165022 სახელმწიფო ხაზინა, კოდი TRESGE22, სკ-204862078), შემდგომში წოდებული „შემსყიდველად“, წარმოდგენილი ადმინისტრაციული დეპარტამენტის ხელმძღვანელის ნინო ნაროზაშვილის სახით და შპს „ავტოსერვისცენტრი“ (მისამართი: ქ. თბილისი, კოსტავას 68, ტელეფონი: 262-19-51, საბანკო რეკვიზიტები: № GE84TB1800936020100003, სს „თიბისი ბანკი“, კოდი TBCBGE22, სკ-200243441) შემდგომში წოდებული „მიმწოდებლად“, წარმოდგენილი მისი დირექტორის სილვა შამუგიას სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარულ დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს მომსახურებას ამ ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ავტომობილებისა და მათთან დაკავშირებული მოწყობილობების შეკეთება და ტექნიკური მომსახურება
(CPV - 50110000)

3. ხელშეკრულების ღირებულება

- 3.1 ხელშეკრულების ღირებულება შეადგენს 195 000 (ასოთხმოცდათხუთმეტი ათასი) ლარი
- 3.2 ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 3.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. მხარეთა ვალდებულებები

4.1 მიმწოდებელი ვალდებულია:

ა) განახორციელოს ავტომობილების და მათთან დაკავშირებული მოწყობილობების შეკეთება და ტექნიკური მომსახურების გაწევა შემდეგ მისამართებზე: ქ. თბილისში, ქერჩის ქ.N7-ში; ქ. ბათუმში, აეროპორტის გზატკეცილი N50-ში; ქ. ქუთაისში, ნიკეას ქ.N21გ-ში; ქ. ზუგდიდში, რუსთაველის ქ.N244-ში. **ხელშეკრულების ძალაში შესვლიდან 2017 წლის 25 დეკემბრის ჩათვლით, შემსყიდველის მოთხოვნის შესაბამისად;**

ბ) უზრუნველყოს წინამდებარე ხელშეკრულებით გათვალისწინებული მომსახურების გაწევა (ავტომობილის დაზიანებული ნაწილი უნდა შეიცვალოს ახალი სათადარიგო ნაწილებით) ერთიან ელექტრონულ სისტემაში ატვირთული შემსყიდველის სატენდერო დოკუმენტაციის და მიმწოდებლის ტექნიკური დოკუმენტაციების და პრეისკურანტის მიხედვით, რომელიც წარმოადგენს ხელშეკრულების განუყოფელ ნაწილებს;

გ) შემსყიდველის ავტომობილების მომსახურებას მიაწოდოს პრიორიტეტი, რაც გულისხმობს მათ რიგგარეშე და დაუყოვნებლივ მომსახურებას;

დ) შემსყიდველის მიმართვისთანავე ჩაატაროს ავტომობილების დათვალიერება და წარუდგინოს შემსყიდველს დეფექტური აქტი ხელმოსაწერად, რომელშიც აღნიშნული იქნება მომსახურების გაწევის ვადა (სავალი ნაწილებისათვის არაუმეტეს ორ დღემდე, ელექტროობისათვის ერთი დღე, აგრეგატებისათვის არაუმეტეს სამი დღე, სათუნუქე სამღებრო სამუშაოებისათვის არაუმეტეს ხუთი დღე, ხანგრძლივი მომსახურების (ძრავის, სიჩქარეთა კოლოფის) გაწევის დრო არაუმეტეს თხუთმეტი დღე, საცხებ-საპოხი მასალების შეცვლა მოთხოვნისთანავე, სათაგარიგო ნაწილების შეცვლა არაუმეტეს ორი დღე, დეფიციტური სათადარიგო ნაწილებით უზრუნველყოფა-არაუმეტეს ოცი კალენდარული დღე);

ე)ქ. ბათუმში, ქ. ქუთაისში და ქ. ზუგდიდში, განახორციელოს ავტომობილებისა და მათთან დაკავშირებული მოწყობილობების შეკეთება და ტექნიკური მომსახურება ქვეკონტრაქტორების საშუალებით (შპს „თენგიზ თებიძე“; შპს „ალეკო მოტორს“; შპს „ტექნოსერვისი-TS“). შპს „ავტოსერვისცენტრი“-სა და მის ქვეკონტრაქტორებს შორის გაფორმებული ხელშეკრულების ასლები თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

ვ) ქვეკონტრაქტორ(ებ)ის შეცვლის აუცილებლობის დადგომის შემთხვევაში (შემსყიდველის მიერ შემდგომი გადაწყვეტილების მიზნით) ერთი თვით ადრე წერილობით აცნობოს შემსყიდველს, ზემოაღნიშნულის შესახებ. ამასთან, ამ ხელშეკრულების ფარგლებში დადებული არცერთი ქვეკონტრაქტორი არ ათავისუფლებს მიმწოდებელს ხელშეკრულებით ნაკისრი ვალდებულების შესრულებისგან.

ზ) მომსახურების დასრულებისთანავე გადასცეს შემსყიდველს ავტომობილი;

თ) მიაწოდოს შემსყიდველს ინფორმაცია გაწეული მომსახურების შესახებ;

ი) უზრუნველყოს ხელშეკრულებით გათვალისწინებული სხვა ვალდებულებების განხორციელება.

4.2 შემსყიდველი ვალდებულია:

ა) უზრუნველყოს გაწეული მომსახურების ინსპექტირება და დადებითი შეფასების შემთხვევაში მისი მიღება;

ბ) უზრუნველყოს ხელშეკრულებით გათვალისწინებული სხვა ვალდებულებების განხორციელება.

4.3 წინამდებარე ხელშეკრულებით განსაზღვრული მომსახურების გაწევა მოხდება მხარეთა მიერ ყოველი კონკრეტული შემთხვევისათვის შედგენილი წერილობითი შეთანხმების საფუძველზე, რომელშიც აღინიშნება გამოსაცვლელი სათადარიგო ნაწილებისა და გასაწევი მომსახურების მოცულობა და შესრულების ვადები.

4.4 ამ მუხლის 4.1 პუნქტის „ბ“ ქვეპუნქტით გათვალისწინებულ შემთხვევაში თუ აღმოჩნდება, რომ მიმწოდებლის მიერ ერთიან ელექტრონულ სისტემაში ატვირთული ტექნიკური დოკუმენტებით, კერძოდ, განფასების ცხრილებით (პრეისკურანტებით) არ არის გათვალისწინებული საჭირო მომსახურება, მხარეები უფლებამოსილნი არიან აღნიშნულის შესახებ გააფორმონ წერილობითი შეთანხმება, რომელიც ორივე მხარის მიერ ხელმოწერისთანავე გახდება ამ ხელშეკრულების განუყოფელი ნაწილი, რომელშიც მიეთითება გასაწევი მომსახურების (საჭირო საქონლის, (სათადარიგო ნაწილის) გათვალისწინებით) ღირებულება. ამასთან, მომსახურების რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას, დგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის

გათვალისწინებით. ასეთ შემთხვევაში განფასების ცხრილებში (პრეისკურანტებში) მომსახურების რომელიმე ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ერთიან ელექტრონულ სისტემაში დაფიქსირებული პრეისკურანტის საბოლოო ჯამური ღირებულების (613 684 (ექვსას ცამეტი ათას ექვსას ოთხმოცდაოთხი) ლარი და 97 თეთრი) 10%-ს.

4.5 გაწეულ მომსახურებაზე ყოველ კონკრეტულ შემთხვევაში მხარეები ადგენენ დეფექტურ აქტს, რომელშიც მითითებული უნდა იყოს გაწეული მომსახურების დეტალური აღწერა, გამოყენებული სათადარიგო ნაწილების რაოდენობა ან/და მოცულობა, ერთეულის ღირებულება, საერთო ღირებულება.

5. გაწეული მომსახურების ხარისხი და გარანტია

5.1. გაწეული მომსახურების ხარისხი უნდა შეესაბამებოდეს დადგენილ სტანდარტებს.

5.2. ამ ხელშეკრულებით გათვალისწინებული მომსახურების გაწევის დროს გამოყენებულ შეცვლილ ან/და შეკეთებულ ნაწილებზე გარანტია ვრცელდება შესაბამისი მიღება-ჩაბარების აქტის გაფორმებიდან 6 (ექვსი) თვის განმავლობაში, შეკეთებულ გარდა სწრაფ ცვეთადი დეტალებისა (კერძოდ, გახურების ნათურები, ანთების სანთლები, გახურების სანთლები, დამცველები, სამუხრუჭე ხუნდები, გადამბულობის ამყოლი და მიმყოლი რგოლები (ფრიქციონები), ზეთის, კონდიციონერის, ჰაერისა და საწვავის ფილტრები, მინის მრეცხავები, ანთების საკონტაქტო ერთეულები და მტვერდამცავები (პილნიკები)).

6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების 5.2 პუნქტით განსაზღვრულ საგარანტიო პერიოდში, შემსყიდველის მოთხოვნის შესაბამისად.

6.2 ინსპექტირებას განახორციელებენ საქართველოს ფინანსთა სამინისტროს ადმინისტრაციული დეპარტამენტის მატერიალურ-ტექნიკური უზრუნველყოფის სამმართველოს პირველი კატეგორიის უფროსი სპეციალისტი ბესიკ კოპალიანი, ამავე სამმართველოს მესამე კატეგორიის უფროსი სპეციალისტები თენგიზ ჭყოიძე და თეიმურაზ სახვაძე და საქართველოს ფინანსთა სამინისტროს საგამომიებო სამსახურის ეკონომიკური დეპარტამენტის მატერიალურ-ტექნიკური უზრუნველყოფის სამმართველოს უფროსი სპეციალისტი-ირაკლი დვალი, რომელთაც შეუძლიათ ინსპექტირება განახორციელონ როგორც ინდივიდუალურად, ასევე ერთობლივად.

6.3 ამ ხელშეკრულების 5.2 პუნქტით განსაზღვრულ საგარანტიო ვადის განმავლობაში შემსყიდველი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნიტ გაწეული მომსახურება, მიმწოდებელი ვალდებულია გონივრულ ვადაში გამოასწოროს წუნიტ, თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება, დაუბრუნოს შემსყიდველს აღნიშნული მომსახურების ღირებულება.

6.4 თუ ამ მუხლის 6.3 პუნქტით გათვალისწინებული წუნის აღმოფხვრისათვის დადგენილი ვადა სცილდება საგარანტიო ვადას, მიმწოდებლის მიერ წუნის გამოსწორება ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს საგარანტიო ვადის გასვლამდე.

7. მომსახურების მიღება-ჩაბარების წესი

7.1 გაწეული მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელისმოწერით წარმოდგენილი დეფექტური აქტების, მომსახურების გაწევის აქტების და ინსპექტირების განმახორციელებელი პირის/პირების დადებითი დასკვნის საფუძველზე.

7.2 მომსახურების მიღებას აწარმოებს **ზაქარია წითლაური**, საქართველოს ფინანსთა სამინისტროს ადმინისტრაციული დეპარტამენტის მატერიალურ-ტექნიკური უზრუნველყოფის სამმართველოს ხელმძღვანელი.

8. ანგარიშსწორება

8.1. ანგარიშსწორების ვალუტა – ლარი;

8.2 ანგარიშსწორების ფორმა – უნადლო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.3 შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება წინამდებარე ხელშეკრულების ღირებულების ფარგლებში, მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 10 (ათი) სამუშაო დღის განმავლობაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულების 4.1 პუნქტის „ა“ ქვეპუნქტით გათვალისწინებული პირობის დარღვევის შემთხვევაში ყოველ ასეთ დღეზე მიმწოდებელს ეკისრება პირგასამტეხლო ხელშეკრულების ღირებულების 0.02% ოდენობით.

10.2 წინამდებარე ხელშეკრულების 4.1 პუნქტის „დ“ ქვეპუნქტით გათვალისწინებული მომსახურების გაწევის ვადის გადაცდენის შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო ხელშეკრულების ღირებულების 0.02% ოდენობით.

10.3 წინამდებარე ხელშეკრულების 6.3 პუნქტით გათვალისწინებული პირობების დარღვევის შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო ხელშეკრულების ღირებულების 0.02% ოდენობით.

10.4 იმ შემთხვევაში, თუ მიმწოდებლისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2(ორ) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტამდე გადასახდელი პირგასამტეხლოს თანხის ანაზღაურება.

10.5 პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2018 წლის 31 დეკემბრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი -შემსყიდველს.

17. მხარეთა რეკვიზიტები:

შემსყიდველი

საქართველოს ფინანსთა სამინისტრო
მისამართი : ქ. თბილისი, გორგასლის ქუჩა №16,
ტელეფონი: 226-14-11,
საბანკო რეკვიზიტები:
ანგ. №GE24NB0330100200165022,
სახელმწიფო ხაზინა, კოდი TRESGE22,
სკ-204862078



მიმწოდებელი

შპს „ავტოსერვისცენტრი“ ,
მისამართი: ქ. თბილისი, კოსტავას 68,
ტელეფონი: 262-19-51,
საბანკო რეკვიზიტები:
ანგ. № GE84TB1800936020100003,
სს „თბილისი ბანკი“, კოდი TBCBGE22,
ს/კ -200243441



ხელწერილი ინტერესთა კონფლიქტის შესახებ

2017 წლის „2“ „ნოემბერი“

ვადასტურებთ, რომ „სახელმწიფო შესყიდვების შესახებ“ საქართველოს კანონის მე-8 მუხლის თანახმად საქართველოს ფინანსთა სამინისტროს ავტომობილების და მათთან დაკავშირებული მოწყობილობების შეკეთება და ტექნიკური მომსახურების (CPV კოდი - 50110000) სახელმწიფო შესყიდვასთან დაკავშირებით ხელშეკრულებაში მითითებულ მიმწოდებელთან (შპს „ავტოსერვისცენტრი“) ინტერესთა კონფლიქტში არ ვიმყოფებით:


ინსპექტირების განმახორციელებელი პირი

 ბესიკ კოპალიანი

ინსპექტირების განმახორციელებელი პირი

 თენგიზ ჭყოიძე

ინსპექტირების განმახორციელებელი პირი

 თემურ სახვაძე

ინსპექტირების განმახორციელებელი პირი

 ირაკლი დვალი